

Naija - Wife God Wod - Wives Scriptures

Efisos 5:22-24 Una wey bi wife, mak una dey respet una husban, jos as una dey respet Kraist, 23 bikos na di husban bi di wife head, jos as Kraist bi head for di shosh and naim en save di bodi. 24 As di shosh dey sumit to Kraist, na so tu, wife sopoz sumit to dia husban for evritin.

Efisos 5:31,33 Na bikos of dis, man go liv en papa and mama go join en wife and di tu of dem, go bi won flesh. 33 So, ish man sopoz luv en own wife, jos as e luv ensef and evri wife sopoz respet en husban.

1 Fest Korintians 7:3-5 Mak husban and wife du di rite tin wey dem sopoz du for won anoda. 4 Nor bi di wife get en own bodi, bot na di husban get am and na so tu di wife get en husban bodi. 5 Mak una nor refuse ish oda, esepet una agri sey una go dey laik dat for somtaim, so dat una go fit pray. Den Satan nor go fit tempt una, bikos una go fit kontrol una bodi.

1 Fest Korintians 7:34 so e go dey tink abaut difren tins. Wuman wey neva mari dey onli tink of how to mak bele swit Kraist and dia bodi and maind dey pure. Bot wuman wey don mari dey wori abaut dis wold tins, bikos e wont mak bele swit en husban.

Kolosha 3:18 Una wey bi wife, mak una dey du wetin una husban wont, as Kraist pipol sopoz du.

1 Fest Timoti 2:11-15 Mak wimen dey kwayet and listin wel as dem dey learn. 12 I nor alow wuman tish or giv dem authoti ova men. Mak dem kwayet dey listin, 13 bikos na Adam God first kreate, nor bi Eve. 14 And nor bi Adam, Satan disiv. Satan disiv di wuman and na so sin tak kom dis wold. 15 Bot God go save di wuman wen e won born, so-far e kontinu to get fate, luv, holines and dey kontrol ensef.

Bigin 3:16 - 1 Fest Pita 3:1-6 Mak una wey bi wife, dey obey una husban. Ivun doh dem nor dey du wetin dem rite for God wod, di way una dey bihav, fit mak dem shange, 2 wen dem si una gud karata and haw una life pure rish. 3 Mak una beauti nor bi di

won wey pipol dey onli si laik: to dey plait hair; dey wear gold or fine klot. 4 Insted mak e show sey Kraist dey insaid una and una don get gentol and kwayet spirit wey God go value. 5 Di wimen for olden days dey holi, bikos dem put dia hope for God hand and dem respet dia husban. 6 As Sarah obey Abraham kon kol am, "My oga," una go bi God pikin, if una dey du wetin gud.

Titos 2:1-5 Bot for yu Titos, yu must tish pipol haw to bihav wel. 2 Mak yu tish old men sey, mak dem nor dey bihav enihaw, so dat pipol go respet dem and mak dem dey kontrol demsef; get fate; dey show luv and dey patient. 3 Mak yu tish old wimen sey, mak dem liv life wey go mak God hapi. Mak dem nor tok bad abaut pipol; nor dey drink enihaw, insted mak dem tish oda wimen wetin dey gud. 4 So, mak di old wimen train and tish di young wons haw dem go tak luv dia husban and shildren; 5 to dey knotrol diasef; get pure maind; dey du dia haus wok wel; dey kare for pipol; dey du as dia husban wont, so dat pipol nor go tok enihaw abaut God wod wey wi dey prish so.

1 Fest Korintians 11:5-7,10 And eni wuman wey dey pray or prish God mesage and e nor kova en head, dey disgrace en head, wey bi en husban; e for beta sey di wuman shave en head. 6 If di wuman nor won kova en hair, den mak e go shave am. 7 Man nor nid to kova en head, bikos e dey show as God glori bi. Bot wuman dey show as man glori bi; 10 Bikos of di angels, di wuman must kova en head to show sey na en husban dey protet am.

Parabol 12:4; 14:1; 19:13; 21:9,19; 25:24; & 27:15,16 - contentious & angry wimen

Parabol 31:10-31 - The Virtuous Wimen

**Pastor T. John Franklin
Church of Salvation, Healing, and Deliverance
COS-HAD.org**